

九

香齋

唐宗元



常昭合志稿卷第二十三

人物志二 耆舊 唐 宋 元

龔景才 許式 陸綰 張僑 攀 陸徽之

錢觀復 候 佃 倅 張栢 翟汝文 青年

邱礪 耒 烈 富元衡 富嘉謀 鄭時 曾懷

姚嘉言 胡嶧 伯能 冷世光 世修 趙公豫 公升

趙思 崔敦詩 趙伸夫 邱岳 陳字

周虎 王萬 曾耆年 延年 錢仁老

季逢昌 淵 印應雷 應飛 陳元大 周材 文英 南老

謝天錫 斗元 庭芝 趙同麟 曹南金 黃錫孫

常昭合志稿卷二十三

人物二 耆舊

一

褚不華 伴哥 邱迪 朱桓 徐泰初

思 徐洪 鄒君玉

敘曰志述先賢於殷周人物若彼其著也迺歷漢迄唐反無有灼然可考者書闕有間矣至舊志相傳晉宣城太守邴臻居崇德山梁范冀兄弟隱范山齊郴州牧倪德光梁侍御史陸孝本捨宅爲寺院其事迹亦他無可紀惟唐旌門之龔景才所述較詳志耆舊者不得不託始焉爾自宋而後才望遞蔚傳記互詳攷獻徵文無虞不足舊志按時代纂輯而於其人祖孫父子則以類敘謂非徒誌世胄之華著氏族之別將使肇迹者自篤燕貽繼武者毋忘駿烈

斯言也用意良美且踵史家成例也今亦從之爲人物志
之二三四五六

唐

龔景才字敦禮邑之小山人五世同居以孝義稱麟德元年旌
表門閭戶部奏請敕用廳事夾欄正門閤閱烏頭二柱端冒
瓦桶衛以綽楔左右各建臺高一丈二尺坊以白堊赤其四
角廣狹方正稱焉至宋其子孫多居小山景祐四年有龔沂
者登進士第景才之裔也知瓊州瓊山縣終奉議郎

琴川志

宋

許式字叔矜祖延祚爲常熟令遂家焉式舉進士有高行歷博

常昭合志稿

卷二十三

人物二 耆舊

二

州通判尙書祠部郎中知洪筠二州官至轉運使年八十餘

卒贈禮部尙書

曾志

陸綰慶安鎮人本名絳字伯厚見前史同姓名者不詳更今名

字權叔

按南史陸閑子絳閑爲徐世標所害絳以身蔽父俱被殺

寶元初登進士提舉江

淮茶稅蘇洵贈之以詩美其篤學好文充淮南路制置發進

司運鹽公事終尙書職方郎中贈中散大夫綰讀書務明道

理著書必本經術昆弟分產推先疇付之捐俸賑族教孤姪

如其子著春秋新解三十卷工詩有聽琴歌等作祖無擇誌

其墓

琴川志

張僑字安道皇祐元年進士以言事謫官終尙書都官員外郎

與同年趙清獻抃善抃有贈僑赴闕詩及召還復有詩餞行

刻石於山陽郡庠子顏字正甫熙甯六年進士官秘書省校

書贈中奉大夫孫敏功字守道政和五年進士終朝請大夫

四世孫攀琴川志攀字從龍由太學登進士第起家鄞縣尉累

遷秘書丞詮次中興館閣書目萬四千九百四十三卷上之

拜殿中侍御史兼侍講除起居郎兼崇政殿說書年七十卒

贈通議大夫集英殿修撰攀寬厚易直遇事無假飾幼年郡

試卽不肯隨衆減年爲歎仕州縣以循吏稱有益齋文集奏

議漢唐論若干卷琴川志

陸徽之字彥猷祖景一作象字伯通景祐初及第官至太常博士

常昭合志稿卷二十三

人物二 耆舊

三

徽之由太學上舍生免殿試賜同進士出身終濮陽主簿高

才博學同邑陳起宗張栢錢觀復皆師事之徽宗卽位詔求

直言徽之與雍孝開輩力陳時政缺失唱名曰有旨駁放孝

開立殿下叩頭曰陛下求直言奈何以直言罪人衛士怒以

柱斧撞齒俱落徽之亦被摔出大觀末彗星見始復收錄會

卒孫端成字天錫就特奏恩琴川志

錢觀復字知原父衍於吳越爲疏屬有賜田在常熟之李墓因

家焉年十七當赴舉會祖母李將葬觀復曰祖母恩我厚今

失不與執事後悔何及遂不赴由太學登政和五年進士第

除温州教授終任更遂安值方臘猖獗觀復贊邑令王公濟

備禦時流民載道或議驅出境觀復曰驅之適資寇耳徙之海洲俾自獻其能鍛冶兵械一新募鎗杖手之趨捷果悍者用之賊沮敗不敢犯境觀復不自言功以次調湖州戶曹同郡朱勗勢方赫欲妻以女或勸之就當得美仕爲親榮觀復曰假託匪類以進豈吾親意哉適取辱何榮之有卒辭之久之調衢州判官北兵犯江浙衢當要衝觀復白郡守縱老弱畢出戶擇精壯者留一丁其後兵欲乘時爲變顧城中子女無所獲乃止累遷戶部員外郎以言罷知宮觀起知廣德軍地居高陸民苦供輸回遠復加斂水脚觀復請於朝寄廩湖之四安循運河至國門纔五日費減大半歲饑議發常平倉

常昭合志稿

卷二十三

人物二 耆舊

四

部使者不可觀復諭屬邑曰民命在且夕敢不獨任擅發之責乎復請於朝盡捐歲租嘗持六十萬錢爲父衍償債於郡人朱氏以不聞父祖遺言拒弗受觀復曰若不聞如吾知之何生平嗜學不衰自號正靜居士卒年六十五有文集十五卷論語解二十卷子侯佃佃劉一止誌佃參琴川志侯字廷碩一字惟

大弱冠舉於鄉考官徐良能見其文有本原意必宿儒以爲選首及進見大驚異之繼補太學生登進士第授泰州教授

除太學正累遷秘書丞終朝請郎侯寡嗜欲惟藏書數千卷

朱墨精謹皆所親校尤邃於易有文集五卷諸經講解十卷

易說三卷

琴川志

佃字仲耕弱冠入太學紹興十五年擢進士

第授分水尉真池二州教授歷太宗正丞通判太平州乾道七年詔皇太子領臨安尹慎擇僚案佃自外任選爲推官擢吏部郎中對便殿言三事上稱善累遷權吏兵工三部侍郎出爲江西路轉運副使時盜賴文正起武陵朝廷調兵討之佃餽餉不乏繼使福建再使江西奏蠲諸路逋賦淳熙八年婺州饑且缺守上曰錢佃可既至勸分移粟所活口七十餘萬政甲一路朱丈公時爲倉使與陳亮書云婺人得錢守比之他郡事體殊不同及作江西漕司養濟院記謂佃嘗奏免贛吉麻租二千四百五十九斛兩州之人尤歌舞之佃忠信篤厚根於天性臨政不求赫赫聲恆以字民爲先務捐橐裝

常昭合志稿

卷二十三

人物二

耆舊

五

買田贍族名曰義莊官至中奉大夫秘閣修撰有易解十卷詞科類要二十卷文集二十卷

琴川志

必字叔儀官温州錄事

參軍時樓鑰爲温州教授甚推重之擢知南康軍移知江陰

軍未任而歿僦居父憂以毀卒

琴川志

張柟字材仲父敦字祖仁治平四年進士終宣德郎贈左大中

大夫柟由三舍法貢京師入太學治書有聲登政和五年進

士第初仕臨江軍司刑曹事知嚴州遂安縣方臘叛擁兵入

邑丞簿皆遇害柟與力戰不敵及中脇被擁去柟曉以禍福

順逆卒不敢加害賊平改知歸安縣通判臨安府知泰潤衢

三州皆以惠愛稱性純孝在衢時母年九十九卒柟亦七十

矣執喪甚哀初得郊恩捨子予姪族有喪不能舉者哀而葬之官至左朝散大夫卒年七十八贈正議大夫

琴川志

翟汝文字公巽其先自丹陽來徙祖濤通三傳知長洲縣父恩祕書監知應天府汝文登第以親老不調者十年擢議禮局編修官召對徽宗嘉之除祕書郎三館士建議東封汝文曰治道貴清淨今不啟上述三代禮樂而師秦漢之侈心非所願也責監宿州稅久之召除著作郎遷起居郎皇太子就傅命汝文勸講除中書舍人言者謂汝文從蘇軾黃庭堅遊不可留贊畫之任出知襄濟唐三州以謝章自辨罷起知陳州召拜中書舍人外制典雅一時稱之同修國史遷給事中內

侍梁師成強市百姓墓田廣其囿汝文言於上師成諷宰相黜守宣州召爲吏部侍郎出知廬州徙密州密負海產鹽蔡京屢變鹽法盜販者衆汝文曰祖宗法獲私商不詰所由欲靖民也今繫而虐之將爲厲矣悉縱之密歲貢牛黃汝文曰牛失黃輒死非所以惠農宜輸財市之則害不私於密欽宗卽位召爲翰林學士改顯謨閣學士知越州兼浙東安撫使建炎中楊應誠請使高麗圖迎二帝汝文奏應誠欺罔君父若高麗假吾道以至燕雲則金人亦可問津高麗以窺吳越後高麗拒使者果如汝文言紹興元年召爲翰林學士叅知政事與秦檜同在政府嘗請治堂吏受賂檜怒面劾汝文遂

罷歸汝文在密檜尚爲文學汝文薦其才故檜引用之然性剛不爲檜屈對案相詬至目檜爲濁氣汝文與葉夢得汪藻孫覲俱以文名政宣間有祭儀十卷及文集又善畫有佛道像六十餘軸及楚天春曉圖行世舊志子耆年字伯壽巾服好爲唐人裝能清言工篆隸撰籀史二卷府縣各志

邱礪字師說本海州朐山人建炎初仕於吳因家常熟少讀書有志事功登重和進士第歷濰蔡二州教授知吳江縣入爲國子監丞御史臺檢法大理寺丞權戶部郎官知筠秦建三州除福建提舉兼提刑改轉運判官礪天資純實自律甚嚴秦檜當國以礪同年生每示意嚮且欲以孫締礪女礪不願

常昭合志稿

卷二十三

人物二

耆舊

七

乃以兄姊未葬力請祠而歸屏迹杜門以詩自適壽七十六累贈光祿大夫著有易說超然類稿子璪應博學宏詞科璋

琛璠璋子末

琴川志

末字少潛以祖礪陰補於潛簿慶元錄事

參軍淮東轉運幹官所至有聲知海鹽縣興起學宮築捍海隄二十里代民輸逋租郡有疑獄率委覆按民立碑頌德薦者凡十八人監三省樞密院門遷將作監丞出知台惠撫三州皆不赴終朝奉大夫末生平尙義加厚族黨捐田以子姪王忠惠萬狀其行謂天資素高才足以運慮足以謀明足以察云琴川志子烈字希文以父澤授蕪湖簿通州司理知丹徒縣眞州通判咸淳十年爲江東安撫司叅議官北兵至使者

委印而去城失守烈護印匿民間將赴行在至吳遇疾知平江府陳謙亨提舉常平戴覺民爲上印於朝方擬進秩而卒

琴川志參
姑蘇志

富元衡字公權文忠公弼族孫其先自青出來徙曾祖嚴咸平詞科元衡登宣和進士第授隨縣簿建炎初爲襄陽招撫司機宜張魏公薦其才改諸王宮教授太宗正丞知江陰軍出盜之不應死者數十人知興國軍改袁州遷湖南常平使者改利路提刑却監司例餽數千緡又改湖北提刑多所平反隆興中召還中途遇盜劫帥李師顏餽以金不啟緡而還之除工部郎中上疏乞骸骨詔以內閣奉祠制詞有知止不殆

常昭合志稿

卷二十三

人物二 耆舊

八

之語因以知止榜其堂卒年八十六平生以清節爲時論所

重書學蘇文忠尤精柳葉篆

琴川志

富嘉謀字君美以祖廕爲歸安尉無爲軍判官知上猶縣監行在省倉上界特旨剋處州慶元縣以才選知縣事仕至兩淮運判知和州奉祠家居年七十七卒嘉謀才具素優臨政不

苟居鄉尤急於義云

琴川志

鄭時字是翁樞密文肅公戩之孫宣和六年進士知當塗縣律身廉介撫民以寬聽訟得情訓諭不悛而後加罰民多化之秩滿通判建康留守晁謙之資其贄畫以疾奉祠歸終朝奉大夫性嗜書至老不倦自左氏史記兩漢書三國志南北史

以至韓柳樊川東坡諸文集皆手鈔編錄焉

琴川志

曾懷字欽道丞相宣靖公公亮曾孫世爲晉江人其後由京師來徙宣和元年以父任調金壇簿南渡初授烏江令歷知江州改真州訓練民兵有紀隆興中爲浙西提舉除度支員外郎以懷有綜覈才別置拘催錢物所令專主之以豐裕聞超除權戶部侍郎兼提領贍軍諸庫除戶部侍郎再歲除尙書凡錢穀之數州郡所積與夫出納之多寡纖悉必記上倚其才足軍國用以蕭何劉晏目之丐閒除龍圖閣學士知婺州甫三月趣召賜御書松賦復爲戶部尙書乾道八年賜同進士出身除參知政事旋拜右丞相封魯國公淳熙元年除觀

常昭合志稿

卷二十三

人物二 耆舊

九

文殿大學士奉祠復拜右丞相兼樞密使以疾特免朝參惟入堂治事遇大政則宣引製輕小金帶以賜復力上印綬仍除觀文殿大學士官觀歸卽於是年薨年六十九贈少保懷由世家登宰輔以清約自持常言事之大者視之以小事之小者視之以無則天下無復事矣有文集三十卷

琴川志

姚嘉言字亨甫思廉裔孫父景熙爲杭州助教六年擢兩魁擢太學教授弗就職歸嘉言以文學知於朝趙鼎招延於家教育子弟嘉言端坐終日衣冠偉如講解未嘗怠如是者五年德學愈進往來求文者比肩接踵筆翰如流畧無少滯紹興中鼎表聞於朝授邕州司戶叅軍以德孚民不罰而化請告

歸事母甚孝寢食不離左右母歿廬墓三年尋卒舊志

胡嶧字仲連曾祖振禮部侍郎祖枚職方郎中父稷言字正思

學文於宋祁復從胡瑗學以特奏名調晉陵尉歷山陰丞嶧

能繼其父澹泊自守言動皆有尺度寶嘉喪祭悉遵古禮所

居五柳園松窗蓬戶父子兄弟終日講學與方子通林德祖

為忘年友建炎初以年格推調安遠尉非其志也乃取少陵

宅舍如荒村之句自號如村老人有文集二十卷號如村冗

稿子伯能干能孫耕中吳紀聞 按琴川志嶧世居永康因

熟今隸 太倉伯能字少明登紹興十八年進士知江山縣有惠愛

乾道初選教諸王宮嚮進用矣以年至力請老朝廷嘉之乃

常昭合志稿 卷二十三 人物二 耆舊 十

以左奉議郎賜緋衣銀魚致其事歸築堂曰宜休相羊里巷

卒年七十四 吳郡志

冷世光字賓王與弟世修世南同入太學時稱三冷與世修同

登紹興十八年進士調歸安簿知歷陽甯國二縣廣德軍教

授改知龍游縣朱子為倉使旁邑令見訴於民命世光往體

實得其情兩省交薦幹辦行在諸軍審計司除監察御史殿

中侍御史周必大專相初除吏世光即論之施聖與以元樞

出知泉州亦遭劾罷人稱冷面御史尋知嚴州致仕作閒適

堂以見志年八十終朝奉大夫世光事親孝居喪哀與諸弟

和於子孫盡其教自其父力賑施邑里世光兄弟率行不替

有奏議二卷東堂類稿二十卷刀筆五卷

琴川志

世修字良器

登第調崇德簿移攝理篆獄屢空知興化縣監行在激賞庫

改秩乞回一階以封母阜陵特命詞寵之知上元縣民有骨

肉互訟者諭之曰今以律繩汝汝終身不可復聚矣民感泣

願息爭通判和州守尚嚴峻世修濟以寬秩滿吏民詣臺乞

留得知南康軍未上卽丐祠歸作留耕堂以示子孫有雜文

三十卷詞科類要十卷

盧熊府志
參琴川志

趙公豫字仲謙魏悼王廷美之後父左朝散大夫贈少師誥之

始家常熟公豫幼聰警記左氏傳不錯一字登第調無爲尉

歷知仁和餘姚二縣真常二州遷大理少卿差充接送伴金

常昭合志稿

卷二十三

人物二 耆舊

十一

國賀正旦使遷大府卿除祕閣修撰進集英殿修撰開禧初

抗章引年以寶謨閣待制致仕宸音褒獎有察辭避之真情

全始終之大節蓋誦其實也卒年七十八公豫沈厚清苦平

居以靜坐爲適居官廉正嘗言吾求爲循吏不求爲健吏有

奏稿一卷燕堂類稿十六卷弟公升公頤皆仕至麾節

琴川志

公升字叔明以遺恩補官歷信州司戶叅軍改知金華縣除

知漢陽軍提舉福建常平茶鹽事終朝請大夫其宰金華也

募鄉民爲義役條畫甚備邑人便之祠於寶婺觀刻石紀焉

漢陽據江漢會每漲流侵齧城隄隨潰公升念土功之難官

給衣糧稍增其庸民踴躍聽命廣袤堅壯遂爲經久之利閩

舊有舉子倉凡僧舍之不能嗣續者聽民佃業歲收其入以給窮乏產育之家既而倉實不足民鮮被惠公升請仍以僧主之自是民間生子蔑不舉者公升臨事精敏又能委任官僚故政罔不舉卒葬吳山頂阜袁燮志其墓子彥許彥詞彥禾孫枬夫

趙思字再可生三歲從諸父孝孫由洛來徙及長通春秋登紹興進士第調鍾離簿乾道中以虞允文薦孝宗賜對便殿問恢復大計稱旨除大府寺簿太常丞兼度支郎官出守台州治聲翕然上親書姓名於屏除淮南路轉運判官兼提點刑獄過闕辭上曰知卿忠實故畀邊節除直秘閣遷戶部郎官

常昭合志稿

卷二十三

人物二 耆舊

七

淮東總領以起居舍人充金國賀生辰使不肯稱御名金以爲慢不得已罷之有使北者言人問趙運使安否不絕起廣西提刑改知湖州直龍圖閣除起居郎權吏部侍郎奉祠起知靜江府廣西經畧職事修舉除秘閣修撰集英殿修撰累轉中大夫卒年七十

琴川志參
廬府志

崔敦詩字大雅世家靜海晚居常熟登紹興進士第授高郵簿兩浙運幹除秘書省正字兼翰林權直早有文名所爲制詞溫潤詳雅兼崇政殿說書權給事中時學士周必大乞補外壽皇中批問吏部尙書韓元吉日崔某今安在召見除樞密院編修官復爲權直既拜命卽言翰林權直爲名未正更爲

學士院權直遷著作郎兼權吏部郎官又兼崇政殿說書進
國子司業改權直學士院拜中書舍人加侍講直學士院敦
詩賦性端厚議論疏通知大體自直宿進講遇引對所陳必
剴切呂祖謙編文鑑爲人所譖詔敦詩刪定卒贈中大夫有
文集三十卷內外制稿二十三卷奏議總要五卷通鑑要覽
六十卷制海十編監韻五編兄敦禮同登進士俱爲文宗

志參
陳志

趙伸夫字信道亦魏悼王後祖忠翊郎公義始居常熟父贈中
奉大夫彥軾好施與貧乏不能自活者暮夜攜錢置其戶內
壽止三十三人咸謂報當在子伸夫初以恩蔭補承信郎監

常昭合志稿

卷二十三

人物二 耆舊

三

南嶽廟擢紹熙元年進士主松陽簿調紹興觀察推官時帥
以能吏自名健於裁決嘗以休日至都廳他幕僚無入者獨
伸夫審問如常時帥喜其匪懈與之語大奇其才亟表薦之
知揚州江都縣敵游騎逼揚大帥郭倪皇遽無策伸夫與推
官應謙之堅壁以待敵始引去差知楚州楚與敵鄰羣盜猖
獗青齊間論者以爲宜結楊劉之黨爲夾攻計伸夫不然俄
有劉顯昌者求納款亟調兵爲備一夕而遁或獻議於朝謂
縣北甘羅城爲淮陰門戶亟宜修築命伸夫相視詢諸故老
卽條上以爲此六朝駐兵之地形勢要害過於淮陰故城從
之以職事修舉累遷直秘閣升寶謨閣知廬州首建城西柵

後議包築故城適敵至浮光或勸盡發城中屯兵往援伸夫曰廬距浮光五百里而遠距濠豐二百里而近敵必由濠豐渡淮今道浮光安知不爲聲東擊西之舉若悉師於西敵乘虛奄至合肥失守直趨歷陽窺我江滸可若何乃令郡兵鈐王辛集騎卒數百擇帳前之勇敢者數十人與俱以陳剛爲之繼會安豐報金欲以舟師渡淮合肥父老乞留陳剛翼日謀知金兵不果渡卽遣剛如初王辛果以捷聞陳剛繼至廬戰復捷敵由是遁制府以緩遣陳剛奏伸夫畏怯遂罷歸逾年天子知其忠復職召對伸夫具言制敵之策莫若以守爲主俟其可戰而戰則是以守爲戰俟其可和而和則是以守

常昭合志稿卷二十三

人物二 耆舊

齒

爲和和不可恃則戰戰或未勝則守合和戰守爲一則操縱在我矣除金部郎未越月除直敷文閣兩浙路轉運判官知州縣催科重爲民病揭三大弊嚴行約束鏤榜著明觀者稱慶旣得疾進職二等升副使力請奉祠詔以直龍圖閣知甯國府閣月遂卒贈秘閣修撰袁燮志其墓子時懷時思舊志邱岳字山甫祖琚紹興間從魏勝恢復海州有功後朝議棄海州琚與子松歸朝琚除迪功郎松下州文學琚爲招撫司在備差遣卒葬吳縣松遂來徙岳松之子也登進士第授太湖尉辟蘄州推官從淮東安撫副使趙范平李全有功通判黃州知眞州蒙古將察罕來攻岳部分嚴明守具備豫敵兵薄

城輒敗岳乘勝出戰於胥浦橋射其當先一人斃之敵少卻岳曰彼眾十倍於我不可力勝乃設伏城西敵至伏起殺其騎將又選勇士夜襲敵營焚其帳敵遂遁去改兵部郎中淮東提刑提舉常平倉改知太平州兼江東轉運徙知江州兼沿江制置副使移鎮淮東丐祠淳祐十年以工部尚書召尋謝歸寶祐初授華文閣直學士沿江制置使兼安撫和州無爲安慶三郡屯田使舟發京口北兵闖廬和岳遣新知和州卬應雷禦之應雷奮入卒保和州以龍圖閣學士致仕歸岳自典郡至開閩凡四禦大敵未嘗挫敗爲人簡重寡言遇事則洞開肺腑理宗書忠實二字賜之官至正議大夫封東海

常昭合志稿

卷二十三

人物二

耆舊

五

郡侯卒贈特進光祿大夫

曾志參
維揚志

陳字字伯愛古靈先生襄諸孫自吳興來徙以父瑩蔭爲莆田尉得劇賊格當賞愀然曰吾其可藉人命爲自進之階卒辭之調紹興府司法改知富陽縣差行在權貨務知房州歸卒字孝友廉潔居母喪鬚髮盡白撫愛諸弟食必同席俸祿不入私室家無金銀之器嘗自謂先世以清白遺子孫豈惟富不可求亦所不願也陳紫微峴誌其墓

琴川志

周虎字叔子世家臨淮靖康中來徙爲人倜儻輕財尚氣慶元二年擢武科第一授殿司步軍同正將除武學諭閣門舍人充金國賀生辰接伴副使知光州楚州繼知和州開禧二年

十一月戊戌金人合數道兵盡銳攻圍城中兵不滿二千或議撤兵退保江面虎不爲動設太祖神位於靈會門上鳩諸將誓以死守士卒益感奮一日賊用火箭射樓櫓飛燼所及城中火四起乘勢急攻左右請少避其鋒虎怒揮所佩刀名紫荏者語衆曰城卽破吾用此自刎城上汝輩脫歸報朝廷吾九十老母尙得溫飽終餘年若此足一動忠孝兩虧矣拒守匝月合戰三十有四殺其騎將以十數射殪其右帥石矫磓金人大創十二月癸丑引去於是和議始決而江淮奠枕矣虎以平時介特多忤用事者故不沾賞移守合淝實奪其兵柄也軍士有刎頸以留者旋復以言者訐爲韓黨被謫貧

常昭合志稿

卷二十三

人物二 耆舊

六

不能將母於謫所母歿號慟誓不復仕再除和州託蹙疾辭官表八九上得請乃已紹定二年卒謚忠惠先是和人立生祠祀其母子淳祐中賜廟號忠烈虎忠孝出天性而文詞瞻敏能詩作大字尤工其製清源廟記敘神趙昱助己克敵事

甚靈異

宋史參
劉宰誌

王萬字處一號抑齋世本婺人徙常熟少嘗居濠梁學舍九年慨然有求道之志每書事天二字自警登進士第授和州教授吏部架閣國子錄添差鎮江府倅除樞密院編修官兼屯田員外郎知台州復入爲屯田員外郎兼編修改尙書右司仍兼編修崇政殿說書擢監察御史首論史宅之故相之子

弄權壞政命宰相諭旨不奉詔乃出宅之史嵩之自江上董師入相人心傾搖萬抗疏劾之且引歐陽修之論趙括謂天下皆知其不可獨其主不悟者最爲莫大之患疏入除大理少卿即日謝歸自是累除官不拜再令赴行在奏事復除直煥章閣四川宣諭使司參謀官太常少卿並辭不受家居凝塵滿榻淡如也淳祐三年卒史嵩之敗上思萬先見奉御筆前太常少卿王萬立朝蹇諤古之遺直爲郡廉平古之遺愛可特贈集英殿修撰予錢五千緡田五百畝贍其家初諡節惠改忠惠萬負節慷慨論邊防要害如指掌嘗致書大臣其畧謂兩淮當并惟一制閩之命是聽又當建制置司合淝而

常昭合志稿

卷二十三

人物二 耆舊

七

以濠梁安豐光州爲臂以黃岡爲肘後緩急之助又令荆襄每候西兵東來輒尾之使淮襄之勢亦合而後規模可立又論用兵屯田守戍之法敷陳反覆金之初亡也鄭清之欲謀乘勝取河洛萬曰今朝廷勇於復境而怯於備邊莫若移勇於怯爲自治之規北兵壓境帝悔用兵命學士吳詠草罪己之詔萬謂詠曰用兵固失矣亦豈可遽示怯乎邊民生意如髮宜振厲奮發以興感人心其通曉時務皆此類有文集時習編書志編并奏議共如干卷子庭字德揚官至大理寺丞

琴川

志

晉耆年字壽翁其先溫陵人以祖恬晚寓常熟遂家焉少貢於

禮部詞賦第一以父恩澤任湖州同戶時戴尙溪主教湖學
耆年往就切劘深器重之嘉泰中改知嘉興縣縣稱難治耆
年至一洗宿蠹先是牒訴羸數百紙終任什減七八歲旱蝗
履畝閱實白之郡郡刺史尊嚴爲貳者率皆俯首不可否事
耆年曰余通守也斯民休戚均係可旅進旅退耶遇事輒極
言利害不肯以唯諾取容漕臣真德秀以耿介端莊精明峻
潔薦後權輿化軍事以寓公舉人占借禁軍耆年悉抽還復
伍爲言者論罷以朝散大夫奉華州雲臺觀祠歸生平耽於
六書精二歐楷法至於篆籀尤臻神詣著有愛閒雜稿隨筆
若干卷崑山衛涇志墓

後學集

弟延年同時貢名禮部入太學

常昭合志稿

卷二十三

人物二 耆舊

六

亦有聲

琴川三志補記

錢仁老嘉定間爲蒲圻令登河北凌雲山有詩云遠岫青千疊
寒流碧一灣此情多汨沒却羨白雲閒可想見其襟抱廖道

南楚記柳爲良吏焉

南楚記

季逢昌字子明其先開封人南渡家許浦父世亨登仕郎逢昌
以麟邱懿屬補授廸功郎調通州支鹽倉兼沿江淮東制料
官所至以廉勤稱宋季海隅經北兵殘毀井邑荒寂無行迹
逢昌至弊端如絲悉與剗解暨秩滿羸十五萬斤魏了翁時
制江淮間議復通城以軍券爲慮檄逢昌糴百萬緡旬月事
集魏舉以練達科邱岳爲江淮制置副使辟爲桐城令至則

邑之吏民僑居池之李王河縣庭猥爲墟學校鞠爲圃逢昌
爲肥梳之五閱月而縣廨學宮皆成民以寧居魏愛其才復
辟清流宰有疾辭歸立義莊以賜族稱爲長者鄧志子淵字宗
源元大德間授登仕郎博雅好古器物書畫品鑒精審趙文
敏孟頫愛敬之遂與締姻簡札往來子孫世藏之官至蘄州
路總管淵子希宰爲太醫學錄居文村吳志
印應雷字德豫父武子招信軍判官自靜海來居常熟應雷登
嘉熙二年進士第知和州寶祐二年北兵侵和應雷新之任
以制司命率兵突入士氣咸奮卒保其城罷官後累召不赴
自號習隱咸淳己巳淮閩乏人相臣力挽其出非其志也勉

常昭合志稿 卷二十三

人物二 耆舊

從之賦詩曰習隱今翻習不成此行非爲利和名甲兵洗盡
報天子歸對青山樂太平權兵部侍郎兩淮安撫制置使兼
知揚州封靜海縣開國伯食邑七百戶在鎮五年軍民畏而
愛之癸酉冬有星隕於譙樓未幾卒贈端明殿學士子德傳
南雄路總管姑蘇志應雷弟應飛字德遠淳祐元年登第授
朝奉郎權知鎮江軍調永嘉尉爲太社令擢監察御史差判
鎮江府知鄂州兼湖州運判以大府少卿召改知鎮江尋除
邕州予告再除鄂州開慶元年元兵圍鄂都統張勝誘以約
降元兵信之盡焚城外民居獨一壘存應飛自外督兵來援
圍遂解除戶部侍郎淮東總領知鎮江府卒贈朝議大夫龍

圖閣學士子正傳杭州路同知直傳陳州司法參軍

姑蘇志
參桑志

陳元大字孔碩嘉熙二年進士仕温州教授遊常熟愛其風土
遂自侯官來徙元大為樞密直學士襄裔孫去海濱四先生
倡道未遠又一時理學大儒皆萃於閩師承切而體驗明著
四書講義行世學者稱北山先生子某克紹家學人稱后山
先生以別其父仲子仲昇慷慨著節概世業儒術有德門之

目 府縣志
合參

元

周材字仲美其先道州人曾祖興裔字克振為濂溪四世孫以
和州觀察使扈蹕南渡建炎初授武功大夫權兩浙淮東南

常昭合志稿

卷二十三

人物二 耆舊

三

路制置司開闢平江鎮守沿海死難於福山賜葬虞山北麓
戰歿失右臂鑄銀代之俗呼銀手墳子畀以蔭為常熟尉遂
家縣之吳塘里材畀之孫也嘗為沿江制機以疾在告度宗
咸淳甲戌元至元十一年征南帥府檄材與諸武弁分部撫
民武弁所至括銀於大姓不得則置之死材勸解多縱去兵
有虜居民鬻於市者詢其鄉里贖歸其父母同里蘇氏朱氏
有世讐朱賂武弁期一夕爇蘇而屠之材潛語蘇俾啖武弁
朱計不行因召二氏令結婚以釋怨有謀以兵掠富室吳氏
者材曰兵入境豈但吳氏無噍類將及於吾民亟持帥府招
諭符文迎勞兵遂不入境來歸者皆廩食之事平置縣設官

其事者上其功材曰吾前朝賤士也所以周旋患難者誠不
忍生民塗炭耳其可復希名位哉遂歸老於耕桑幅巾杖履
與前朝諸老以詩酒自娛終其身焉嘗著宋史畧十六卷吳
塘集六卷子文英桑志文英字子華爲人恢廓自信好讀書作
詩敷歷江浙以能吏稱善言水利請開白茆婁江行省不能
用後張士誠得其故牘乃施行之民享其利有澤物親民二
稿及庭芳集子南老龔志參陸文圭集南老字正道元季嘗薦授永
豐教諭省臣奏爲吳縣簿有僧殺人久不得尸南老檄責縣
神次日獲尸於河濱稱神明累官江浙行省理問明初徵詣
太常議郊祀禮放還卒著有易傳集說姑蘇雜詠拙逸齋稿

常昭合志稿 卷二十三

人物二 耆舊

三

姑蘇志

謝天錫字純夫其先自吳興來卜居於任陽父德明宋將仕郎
天錫元初授嘉興主簿縣當孔道地隘民瘠驛騎往來科調
繁興天錫佐邑宰一以寬恤爲事縣有疑獄久不決廉得其
實一日命取網罟羅積水中得枯骸寃以白民驚以爲神秩
滿上官交薦而天錫亟乞歸與故舊徜徉鄉里年七十以終

趙孟頫松雪齋集

子斗元字光國以海漕勞佩金符授忠翊校尉海

道運糧千戶乞養歸性至孝輯古人孝感故實爲一編棗印
以施人欲人皆勸於孝子庭瑞庭芝

趙松雪集

庭芝字仲和號雪

村善寫山水竹石兼工詩

錢志

趙同麟字季文博學明經由儒士起家官富州知州公勤廉幹
撫馭有方民感其德化

桑志

曹南金天姿剛勁動必由禮以孝謹稱聞人有善如出於己鄉
人有不能制其子者南金喻以人心天理其子感悟卒爲善
由敦武校尉海道運糧千戶遷嘉定等處運糧副千戶律已
以廉處事有法所部咸畏而愛之嘗開洋遇大風舟人震駭
南金喻之曰委質爲臣當忘身殉國進思盡忠天必祐之至
大三年授武畧將軍海道漕運都萬戶府副萬戶南金數以
漕事往來南北深察利害凡所興除公私皆以爲便至元皇
慶間嘗修葺學宮至治二年遷平江等處海運香糯所千戶

常昭合志稿

卷二十三

人物二 耆舊

三

卒

黃潛誌陳
基修學記

黃錫孫字禹疇其先世由海門徙常熟父字道山嘗舉孝廉有
德於鄉歲饑恆煮粥活人錫孫幼聰慧長勵行檢居窮守約
不易其介善造就後學爲文尙理氣詩尤清粹有穀山集子
進德明德修德歸德皆以學行爲本州教職明德生大觀字

養浩卽忠臣鉞父也

龔志參
範軒集

褚不華字君實世居邑之福山自幼沈默有器局篤好經史以
名節自矢母病嘗割股以療至治元年遊學隰州之石樓居
五載因附其籍以薦補中瑞司譯史授海道副千戶轉嘉興
路治中歷御史僉河西廉訪事移淮東未幾改副使紅巾賊

蔓延兩淮勢張甚不華行部至淮安極力爲守禦計賊至多所斬獲且請判官劉甲守韓信城相犄角復上章劾總兵逗撓狀朝廷嘉其功擢廉訪使總兵恚之乃檄甲別將兵擊賊以困不華賊陷韓信城遂掘塹圍淮安既復挾天長青等叛軍來攻時城三面皆賊惟北門通沭陽倚其芻餉而赤鯉湖又爲賊據進柵南瑣橋不華出大西門會僉事兵突賊柵殊死戰賊敗走會元帥吳德琇運糧萬斛爲賊所掠城中食且盡攻圍益急總兵屯下邳遣使十九輩告急皆不應餓者仆道上人爭取啖甚至父子夫婦老稚更相食力盡城陷猶據西門力鬪中傷見執賊嚮之至正十六年十月乙丑也不華

常昭合志稿

卷二十三

人物二 耆舊

三

守淮安五年大小數十百戰精忠大節人比之張巡云事聞贈翰林學士承旨榮祿大夫柱國里人建廟於福山歿之明年追封衛國公諡忠肅其長子鳴珂元亡不仕次子伴哥言伴哥少承父教通天官遁甲諸家兵法既長武藝絕倫隨父守淮安以沭陽路絕芻餉不繼建議海運分設船艘購糧於平江嘉興由劉家河福山港出口達淮三四年間兵賴以濟後僞周起海上糧不能達與父力守孤城城陷父爲賊所執伴哥冒刃護奪同日見殺年三十六英靈不沫時顯神於濱海里人建緒太尉廟祀焉元史 國朝康熙中父子並列祀鄉

賢

言志

邱迪字彥啟岳四世孫幼孤養於外家孟氏成童侍舅潼遊匡廬白鹿洞讀書得謁熊天慵天慵異之留講席勉之以義理之學及歸教授鄉里湯彌昌龔璠黃潛李鳴鳳輩皆推譽焉應舉再不利遂不復求仕退讓自持人亦不敢狎侮著尚書辨疑玉淵雜著雲麓齋文稿若干卷

姑蘇志 言志按廬熊府志列吳縣然岳自鍾

江徙居常熟迪又何時徙吳耶

朱桓字仲威力學負志張氏據吳桓航海上市於朝授編脩官復朝服啟儲宮辭極懇切不報以憂憤卒江陰王逢有寄朱仲威詩張宣亦有寄朱編修詩其著述散佚所傳青陽集序一篇殆淹博伉爽士也

龔志

常昭合志稿

卷二十三

人物二 耆舊

齒

徐泰初仕元為江浙行中書省知印祖壺祕書少監封東海郡

伯父謙廕任威茂州安撫司同知世以貲財甲郡邑元末泰

初棄家隱於宣化門外桃源澗卒葬澗北

吳文恪集參龔志

子思字

彥誠號嘿庵元季兵燹家道中圯思六歲而孤讀書領大義

洪武中坐累戍朔州以長子璿代還誅茅構屋日取老莊書

焚香兀誦吳文恪為撰生誌

錢志

時徐氏有字彥宏者居近報

慈里與吳文恪為鄰永樂十年年逾九十而視履不怠為鄉

之耆老是年六月至七月不雨農民罔措貳守柳侯適以公

事至率邑令躬謁頂山龍祠祈禱甘雨隨應三日霽足彥宏

率鄉老謁謝柳侯并乞吳文恪為文記之

吳文恪貳守柳侯禱雨有感序而

舊志則云徐洪字彥宏家殷富俗號徐半州尚禮好士以博雅稱元季吳中豪右多踰侈洪一日論其幹人潘珪曰家之興廢厥有常理吾家業盛矣必有代謝爾宜承吾業遂將田宅立虛券授珪挈妻子築室宣化門外先壟之側布衣蔬食謝遠交游自號桃源小隱年九十而終鄧志并志之以示傳疑鄒君玉讀書敦行其治家嚴而有法自旌德宦遊歸理故園以終老恐後之子孫有不率教者卽平日所教誠著家訓一篇勒諸先祠以致警會稽楊維禎爲之序東維子集 按桑志有鄒士玉洪武初以人材薦舉任廣德府知府未知卽其人否

